



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Evangelistarivm M. Maruli Spalaten. opus vere  
euangelicum, sub fidei, spei & charitatis titulis in septem  
libros partitum**

**Marulić, Marko**

**Coloniæ, 1532**

**VD16 M 1298**

de diuitiarum confidentia. cap. 28.

**urn:nbn:de:hbz:466:1-35578**

repertam offerri. Poterat lapides in gemmas, in auro  
ligna conuertere, qui de ore piscis fecit statorem repen-  
te adesse, & tamen semper alieno usus est hospitio, sem-  
per oblata ab alijs stipe sustentatus est, nudus iacuit in  
præsepio, nudus pependit in cruce, atque is qui cæli ter-  
ræque erat dominus, nec syndonem suam habuit, qua-  
velaretur mortuus, nec suum quo cōderetur sepulchrū.  
Quod si omnium dominus in tanta rerum egestate in  
hoc seculo vivere voluit, pudeant sacerdotes, erube-  
scant episcopi, amplas sibi ædes construere, cumulan-  
dis pecunijs operam impendere, vestibus pretiosis reni-  
tere, omnibus denique mundi delicijs diffluere, & se  
Christi seruos profireri. Non tales elegit Christus, non  
talua præcepit, nec talem semetipsum exhibuit.

### ¶ De diuitiarum confidentia.

#### Cap. XXIII.

**E**cclesiæ cura nobis commissa est, inquiunt: vt er-  
go ipsa ecclesia ab aduersariorum iniuria tuta sit  
necessarium est nos opibus viribusque pollere.  
Quasi vero infirmata sit dextera excelsi, & eam ecclesiæ  
quam labore pauperie fundavit & auxit, præsidio pau-  
perum tueri nequeat, seruare non possit. Dicant igitur,  
cum populus Christianus multo grauiores persecutio-  
nes pateretur, quam modo patitur, quis tunc antistitū  
eius diues erat? quis arma tractabat? quis vim viribus  
repellebat? Cædebantur quidem Christiani, sed Christi  
religio perire non poterat. Quinimmo quanto magis  
infideles tyranni sautebant, tanto mirabilius creden-  
tium numerus augebatur. Crevit ergo Christi ecclesia,  
non diuitijs, non potentia hominum defensa, sed sola  
vt diuina protecta, & nunc seruari non poterit, nisi opu-  
lenti fuerint, nisi locupletes atque potentes extiterint,  
qui ei præsunt? Quid est autem quod propheta clamat,  
Omnia ossa mea dicent: Domine, quis similis tibi, eripi-  
ens inopem de manu fortiorum, egenum & pauperem  
a diripientibus eum? Igitur non in pecunia, non in viri-  
bus potentiae humanæ, sed in domino confidite. Quod

## Despe Liber III.

251.

si ei seruiendo perituras opes, vt debetis, contempseris  
tis, omnibus inimicis vestris fortiores eritis, illo quo-  
mnia potest, protegente ac tuente. Si vobis curæ erit,  
continentius viuere, mandata dei perficere, ecclesiæ o-  
pes non in vestrum usum conuertere, sed indigentibus  
distribuere, aut defendet vos dominus ab infidelium vio-  
lentia, aut non defendet, si defendet, tunc eritis, si non de-  
fendet, per patientiam martyrii a domino coronabitur  
ni, & ecclesia dei gloriosius ædificabitur in cælo, quam  
permanet in terris. Neque enim lapidei parietes isti, vel  
prædia, vel urbes, vel prouinciae, vel regna, ecclesia dei  
sunt, sed ipsa Christum credentium atque confitentium  
congregatio, quæ cum de terra tollitur, in cælu trans-  
fertur, vt quæ inter munditurbines fideliter militauit,  
iam supra mundum secura triumphet, & omni terrena  
potestate sublimior dicat; Super inimicos meos despe-  
xit oculus meus. Sacerdotis arma, sanctæ orationes sunt  
Vos itaque cum Mose & Aarone orate in monte, & vi-  
etu necessario contenti, cætera cedite inopi, viduæ, pu-  
pillo, miserorum sepulturæ, captiuorum redemptioni,  
oppressorum tutelæ, pietatis operibus, propugnatori-  
bus quoque adducibus militiae Christianæ, vt comparatis  
plurimum viribus hostili impietati fortius resistant: & il-  
li quidem non in se, sed in deo confidendo, vestrisque p-  
cibus adiuti vincent. Quandiu his contraria agitis, ec-  
clesiam quoque pati contraria necesse est. Quæ quoniam  
vobis commendata est, sanguis eius de manibus ve-  
stris requiretur: quia non quomodo Christus, neque quo-  
modo apostoli pro illa statis, sed qualiter vestra vobis  
persuadet libido: non ut oportet viuendo, sed potius ut  
delectat. Latos agros, regias domos, tyriantinas vestes  
aurcam argenteamque supellectilem, phaleratos equos,  
venaticos canes, nobiles seruos vultis possidere, non ut  
Christi discipulos decet, sed terræ dominos, & ea regi  
copia, quæ nec veteri, nec noua lege conceditur vobis,  
abundare. Nam cum populus Israel ad terram promissi-  
onis translatus esset per singulas tribus diuidendam, sa-

Psal. 53

Num. 18.

Q

Mat. 10

Luc. 14.

Mat. 16.

Mat. 19

1. Tim. 5

debitis, nec habebitis partem inter eos. Ego pars & hereditas vestra in medio filiorum Israel. Possessioem ita que non sunt sortiti sacerdotes, & tantum decimas ac primicias quibus sustentarentur, & loca in quibus habitarent, habebant. Nous vero, id est Christi discipulis discipulis, dicitur: Nolite possidere aurum, neq; argentum, neq; pecuniam in zonis vestris. &, Qui non renuntiauerit omnibus quæ habet, non potest esse meus discipulus. &, Qui vult venire post me, abneget se met ipsum, & sequatur me. &, Si vis perfectus esse, vende omnia quæ habes, & da pauperibus, & habebis thesaurum in cælo, & veni sequere me, nihil terrenum promittit sacerdotibus, ut cælestia tantum affectent, de cælestibus prædicent, & portionem in cælo consequantur, qui in terra diuitias habere noluerunt. Quare ergo ecclesiæ agri, villæ, vici, vrbes donatae sunt, & sacerdotibus episcopisq; distributæ? Certe non vt in his ipsis luxurient, sed egenos pascant: non vt sibi nummos inde congregent, sed vt in opum turbæ dispensent, vt miserorum necessitati succurrant, & stipendia quoque militibus ministrent, qui pro religione, pro fide, pro iustitia contra infideles decertant. Ecclesiæ igitur bona pauperes sunt, quorum sacerdos non possessor, præter vitæ necessaria sed dispensator est. Qui autem dispensat, fideliter disperset, & audiat Apostolum dicentem: Habentes alimenta & quibus regamur, his contenti simus, nam qui volunt diuites fieri, incident in tentationem & in laqueū dia-boli & desideria multa inutilia & nocua, quæ mergunt homines in interitum & in perditionem. Radix enim omnium malorum est cupiditas, quam quidam appetentes errauerunt a fide, & inseruerunt se doloribus multis. Tu autem o homo dei, hæc fuge, ad Timotheū enim scribebat. Qui ergo talia non fugiunt, sed audiendi peculijs cupidine ducuntur, non homines dei sunt, sed mammonæ servi. Homo dei est, qui cum Christo pauper est, vt in Christo diues sit.

**¶ De diuitiar̄ malo, & paupertatis bono.**